

# PEROSAK EKOSISTEM SUNGAI

Lambakan ikan bandar raya di sungaiancam populasi ikan tempatan, kacau sumber rezeki



METRO AHAD 12/2/2023 Ms: 2

## Ikan bandar raya

*Hypostomus Plecostomus*

Ikan bandar raya atau Hypostomus Plecostomus adalah ikan air tawar tropika berasal dari Amerika Selatan.




Mula diperkenalkan di Malaysia sekitar 1970-an kepada peminat ikan hiasan air tawar.

Ikan bandar raya memakan alga dan kebiasaannya dibela dalam akuarium.

Nama ikan bandar raya kerana sinonim dengan sifatnya suka 'membersihkan' kawasan sekelilingnya.

Sifat semula jadi ikan ini akan berada di balik batuan, dedaun dan kurang ancaman.



Grafik | Syaida Safaa

INFOGRAFIK Metro

Oleh Noor Hidayah Tanzizi  
hidayah.tanzizi@metro.com.my

Menurutnya, kebiasaannya dia mampu memperoleh antara dua hingga tiga kilogram ikan sungai itu setiap kali menjala, namun kini hanya mendapat 10 hingga 15 ekor saja iaitu tidak sampai dua kilogram.

"Sungai Kuyoh memang banyak tilapia dan puyu, malah turut menjadi port kaki pancing juga. Dulu memang jarang jumpa ikan bandaraya, kalau ada sedikit sangat dan saiz juga kecil.

"Tetapi sekarang boleh kita beberapa sungai di sini (Bukit Jalil) sudah banyak ikan bandaraya, malah ikannya juga lebih besar.

"Baru-baru ini saya menjala di Sungai Kuyoh dapat 14 ekor ikan bandar raya dalam sekali tebaran, kalau puyu dan tilapia dapatlah seekor dua," katanya ketika ditemui di sungai berkenaan.

Menurutnya, dia selalu menjala ikan sekitar Kuala Lumpur dan Selangor serta mendapati ikan bandar raya semakin banyak membiak di beberapa sungai, malah pemancing juga kerap dapat ikan itu dengan umpan dedak dan roti.

"Selain Sungai Kuyoh dan Sungai Midah di Bukit Jalil, ikan bandar raya juga ada di Sungai Gombak dan Sungai Klang; Sungai Langat, Dengkil; Sungai Air Keroh, Se-

layang serta Sungai Daman-sara dan Sungai Renggam, Shah Alam.

"Spesies ikan bandar raya yang ditemui adalah bersaiz besar dan di Sungai Kuyoh saja, saya dapat yang bersaiz 50 sentimeter (sm) seberat kira-kira 600g hingga 1.2 kilogram, malah paling besar

pernah dapat di Sungai Gombak iaitu 53 sm," katanya.

Menurutnya, ikan bandar raya membawa masalah kerana merosakkan ekosistem sungai dan paling membimbangkan apabila hidupan air akan berkurangan sekali gus dikhuatiri pupus.

## 'Rupa saja ngeri tapi isinya sedap'

**Kuala Lumpur:** Biarpun ikan bandar raya memiliki 'wajah' menakutkan, namun isinya dikatakan sedap kerana mempunyai keunikan tersendiri.

Peminat ikan air tawar, Mohd Nur Badri Mat Sidik, 44, berkata, ramai yang beranggapan ikan itu tidak boleh makan, namun ia bergantung kepada individu terbahit sama ada mempunyai selera atau sebaliknya.

"Rupanya memang tidak seperti ikan lain, malah kulit ikan bandar raya juga lebih tebal hingga agak sukar di-siang tetapi isinya sedap juga.

"Ikan bersaiz besar isinya lebih kenyal, manakala yang bersaiz kecil isinya lembut, malah baunya juga kurang hanyir dan boleh dicuci seperti biasa dengan air.

"Rupa saja ngeri, tetapi rasanya sedap terutama jika dimasak sambal. Saya juga sudah lebih 20 kali makan ikan itu yang dimasak kari, burger, sambal dan pekasam. Dagingnya berwarna kemerahan," katanya yang juga pencipta kandungan di YouTube.

Katanya, tidak dinafikan ada juga individu yang geli

dan tidak lalu makan ikan bandar raya kerana ikan disifatkan 'pencuci' itu juga memakan lumut, malah ada mendakwa ia akan makan bangkai dan logam.

Bagaimanapun, menurutnya, ikan itu memakan alga saja dan sebenarnya tidak makan benda lain berdasarkan maklumat daripada kenalanannya yang juga penyelidik.

"Alhamdulillah, setakat ini semua baik dan tiada

apa-apa kesan selepas makan ikan itu.

"Tetapi bagaimanapun pembiakan populasi ikan ini memang tak bagus untuk ekosistem sungai kita, le-

bih-lebih lagi jumlahnya terlalu banyak," katanya.

Ber cerita lanjut, Mohd Nur Badri berkata, dia juga selalu berkongsi aktiviti memancing dan menjala ikan di akaun YouTube miliknya, Dunia Badol sejak hampir tiga tahun lalu.

"Saya memang minat aktiviti menjala yang mana ikan itu untuk makan sendiri dan dibuat pekasam untuk dijual. Saya mula aktif menjala sejak 15 tahun lalu dan ketika itu ikan bandar raya memang jarang ditemui," katanya.

"Ikan bersaiz besar isinya lebih kenyal, manakala yang bersaiz kecil isinya lembut"  
Mohd Nur Badri



MOHD Nur Badri menunjukkan hasil tangkapan ikan bandar raya yang dijalnya di Sungai Kuyoh, Bukit Jalil.

**Kuala Lumpur:** Ikan bandar raya atau lebih dikenali 'plecos' adalah spesies ikan pendatang yang boleh ditemui di habitat air tawar seluruh dunia termasuk Malaysia.

Pengarah Pejabat Perikanan Wilayah Persekutuan Kuala Lumpur/Putrajaya Suhanah Kassiron (*gambar*) berkata, ikan itu berasal dari Amerika Selatan dan mula diperkenalkan di negara ini sekitar 1970-an kepada peminat ikan hiasan

## Komited buat 'pemutihan' ikan pendatang

air tawar.

Menurutnya, ia terkenal dengan panggilan ikan bandar raya kerana tabiatnya gemar membersihkan dan memakan alga yang melekat pada kaca akuarium serta sisa makanan haiwan lain yang terjatuh.

"Ikan itu mempunyai ciri omnivor atau ikan pemakan alga. Ia mempunyai kadar pembiakan yang pantas,

jangka hayat sepanjang lima tahun dan daya tahan tinggi terhadap persekitaran yang tercemar.

"Ia juga mampu membesar sehingga 50 sentimeter (sm) dan ditambah pula dengan perisainya yang sukar ditembusi oleh haiwan pemangsa membolehkannya membiak dengan bebas dan mendominasi banyak sungai seperti Sungai Gom-

bak, Sungai Langat (Selangor), Sungai Perai (Pulau Pinang) dan Sungai Skudai (Johor)," katanya.

Suhanah berkata, ikan Plecos dan spesies asing lain yang bersifat dominan mampu bertahan dalam keadaan air yang tercemar.

"Justeru, populasi mereka tidak mudah pupus, malah mengurangkan bilangan ikan air tawar lain yang ada di perairan umum kita," katanya kepada Metro Ahad.

Beliau berkata, susulan itu, pihaknya mengambil

tindakan segera mengenai kemunculan spesies itu di Sungai Kuyoh dengan mengadakan Program Inventori dan Pemantauan Ikan Asing selama dua hari bermula kelmarin

Katanya, seramai tujuh pegawai Pejabat Perikanan Wilayah Kuala Lumpur/Putrajaya dan Ibu Pejabat Jabatan Perikanan turun ke lapangan untuk mengumpul maklumat dan data spesies ikan larangan di sekitar Sungai Kuyoh.

